



**Volumen Epistolarum, Qvas Romani Pontifices, Gregorijs  
III., Stephanvs III., Zacharias I., Pavlvs I., Stephanvs IV.,  
Adrianvs et Pseudopapa Constantinus miserunt& reges  
Francorum, Carolvm Martellvm, ...**

**Gretser, Jacob**

**[München], 1613**

Jtem exemplar Epistolæ eiusdem Papæ, ad Domnum Carolvm Regem  
directæ, in qua continetur de verundatione Mancipiorum genti Paganæ  
Saracenorum facta; & prædictus Papa excusans, Romanos numquam tale

...

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

pro nihilo deputamus ipsam ciuitatem Terracinen-  
sem, sed vt non per illum, vitium incurrat, vt infideles  
Beneuentani sicut desiderant, locum inuenientes, à  
vestra subtrahantur fide: idcirco ista vobis insinuan-  
tes dirigimus, vt per vestrum adminiculum, sicut fati  
sumus, Ecclesiã protectoris vestri B. Petri Apostoli ex-  
altatã, laus vestra atq; victoria in vniuerso mûndo so-  
netur, & in perpetuum vna cum excellentissima filia  
nostra Regina, atq; præcellentissimis vestris suboles-  
cum Sanctis omnibus regnare mereamini. Incolu-  
mem excellentiam vestram gratia superna custodiat.

*Item exemplar Epistole eiusdem Papæ, ad  
Domnum Carolum Regem directæ, in qua continetur de ve-  
nundatione Mancipiorum genti Pagana Saracenorum facta;  
& prædictus Papa excusans, Romanos numquam tale  
scelus perpetrasse, sed à Langobardis & Grecis  
eos traditos esse dicit.*

## LXV.

*Summ. 16.  
Bar. &  
Gent.*

*\* Videtur  
aliquid de  
esse pertinens  
ad preces  
fusas pro  
Carolo, &  
vniuersis  
Regni sta-  
tibus.*

**D**OMNO excellentissimo filio Carolo, Regi  
Francorum, & Langobardorum, atq; patricio  
Romanorum Adrianus Papa. Insignis præ-  
conij vestræ à Deo fundatæ regalis potentia Syllabas  
suscepimus, & Deo omnipotenti gratias egimus, qui  
nos certos reddidit de sospitate à Deo protecti regni  
vestri, simul & de spiritali filia nostra, Regina, dulcissi-  
ma vena coniuge, & prole, \* & pro cunctis Episcopis,  
diuersis sacerdotibus, senatu, & vniuerso à Deo con-  
seruato populo Francorum; cognitor enim & scruta-  
tor cordium, & renum, Deus noster, quia & sincere, si-  
ne qualibet occasione, in vestra melliflua regalis po-  
tentia

rentiæ permanemus charitate, & deprecamur DE I  
omnipotentis clementiam cum nostris Episcopis, sa-  
cerdotibus, clero, atque senatu & vniuerso nostro po-  
pulo, vt vobis indefinenter victorias tribuat, & vestrū  
dilatet Regnum ad exaltationem spiritualis matris ve-  
stræ, sanctæ Dei Romanæ Ecclesiæ, & salutem populi  
nobis à Deo commissi: quia vestra exaltatio, nostra est  
læticia; & semper desideramus & cupimus, quæ bona  
sunt atque prospera, de vestro à Deo protecto regno,  
& omnium Francorum, salutaria addiscere, quia nos  
post Deum, in alio fiduciam non habemus, nisi in ve-  
stro fortissimo brachio, & sicut Prædecessor noster,  
Domnus Stephanus Papa, bonam habuit fiduciam in  
genitore vestro, sanctæ recordationis, Domno Pippi-  
no Rege, ita & nos multò amplius in vestro fortissimo  
regno confidimus, & certi permanemus.

Reperimus etiam in ipsis vestris mellifluis apici-  
bus de venalitate mancipiorum, quasi per nostros Ro-  
manos venundati fuissent genti nefandæ Saraceno-  
rum; sed numquam, quod absit, in tale declinauimus  
scelus, aut per nostram voluntatem factum fuit, sed in  
litoraria Langobardorum semper nauigauerunt, nec  
dicendi Græci, & exinde emebant ipsam familiam, &  
amicitiam cum ipsis Langobardis fecerunt, & per eos-  
dem Langobardos ipsa suscipiebant mancipia. In qui-  
bus & direximus exinde Alloni duci, vt præpararet  
plura nauigia, & comprehenderet iam dictos Græcos,  
& naues eorum incendio concremaret, sed noluit  
nostris obtemperare mandatis, quia nos nec nauigia  
habemus, nec nautas, qui eos comprehendere potuis-  
sent, tamen in quantum valuimus, domino proferi-  
mus teste, quia magnum exinde habuimus certamen,  
cupien-

cupiētes hoc ipsum scelus vetare, qui & naues Græcorum gentis in portu ciuitatis nostræ Centumcellensium comburi fecimus, & ipsos Græcos in carcere per multa tempora detinuimus, sed à Langobardis, vt præfati sumus, multa familia venundata fuit, dum famis inopia eos constringebat, qui alij ex eisdem Langobardis, propria virtute, in nauigia Græcorum ascende-  
bant, dum nullam habebant spem viuendi.

De sacerdotibus autem nostris, quod vobis falso, & contra Deum, & animã eorum, suggerere ausi sunt, mentita est iniquitas sibi, & nulla est, Domino annuente, in nostris sacerdotibus pollutio; nec talia credere debet vestra sublimitas. Dum vero, Domino cooperante, per intercessionem sanctæ semper virginis Mariæ, Domine nostræ, & B. Petri Apostolorum principis in vinculo charitatis atque dilectionis nos adnectere dignatus est; nunc vero quærunt æmuli nostri, qui semper zizania seminauerunt, aliquam, illis Deo contrario, inter partes malitiã seminare. Sed Domino auxiliante, per intercessionem B. Petri Apostoli, præualere minimè habebunt, quia nos cum Domini virtute talem in vestro regali culmine habemus fiduciam, dicit enim Psalmista: *Disperdat Dominus vniuersa labia dolosa, & linguam\* maliloquam*, qui talia nobis inaudita mala suggerunt, & crimina in nostris sacerdotibus ponunt, Deus autem noster suæ protectionis dextera vos conseruare dignetur ad exaltationem sanctæ Dei Romanæ Ecclesiæ. Incolumem excellentiam  
vestram gratia superna  
custodiat.

*Psal. II.*

*\* magnilo-  
quam.*

*Item*